

# Zebarri?

U R L A T I K L A N D E T A R A

ESKORIATZA ETA LEINTZ GATZAGA / Egubakoitza / 2004ko uztailaren 2a / 172. zenbakia

KOORDINATZAILEA: Mirari Altube • Durana 11 20550 ARETXABAETA • Tel.: 943 79 86 21 • Faxa: 943 77 18 54 • Posta elektronikoa: zebarri@goiena.com • Lege gordailua: S5200/99

## Jende gutxiago egon arren ederto ibili dira eskoriatzarrak San Pedro jaietan

ZURIÑE VELEZ DE MENDIZABAL

Jaiak aste barruan ospatzeak jende gutxiago egotea adierazten du sarritan. Baina San Pedro jaiak herrian igaro dituzten eskoriatzarrak primeran ibili dira. Egitarau zabala izan dute eskura, eta ez da aspertzeko betarik egon. *Malaje* ikuskizunak jende ugari bildu zuen Gorosarri plazan martitzen gauean; Euskal Jaira ere lagun ugari gerturatu zen. Haurrek beraientzako egitarauaren barruan buruhandi eta pailazoak izan zituzten ikusgai. Pilota partidura ere jende ugari hurreratu zen martitzen arratsaldean.

*Aurreko urteetan  
baino jende  
gutxiago ibili da  
Eskoriatzako  
kaleetan*

*Herriko ume eta  
nagusien  
danborradek  
ikuskitzen polita  
eskaini dute*



Buruhandiek bat baino gehiago jarri zuten korrika egiten.



Txupinazo eta pregoiarekin eman zioten hasiera San Pedroei.



Makina bat gaztetxo gerturatu zen Poxpolo eta Mokoloren abenturak ikustera.



Elizbiran San Pedoren irudia kalera atera zuten.



Pilotalekua lepo bete zen partiduak jarraitzeko asmoz.



Aberia kale antzerkiak bat baino gehiago harritu zuten.



**BABES OFIZIALEKO 16 ETXEBIZITZETATIK 11 ZOZKETATU ZITUZTEN**

# Intxaurtxuetan daude San Juan egunean esleitutako etxebizitzak


Z.V.M.

San Juan egunean, ekainak 24, 12 etxebizitza sozial zozkatu zituzten Eskoriatzan. Udaletxe-ko osoko bilkuren aretoan egin zuten aipaturako zozketa. Bertan egon ziren, besteak beste, Javier Madrazo Etxebizitza eta Gizarte Gaietarako sailburua eta Juan Carlos Bengoa herriko alkatea.

Intxaurtxueta auzoan egongo dira eguaztenean esleitutako etxebizitzak; guztira 16 dira. Hala ere, 12 bakarrik zozketatu zituzten, eta horietatik bat hutsik geratu zen. Guztira 265 pertsonak eman zuten zozketan parte hartzeko izena, baina bakoitzaren egoera aztertu ondoren, badirudi 21 lagunek bakarrik betetzen zituztela zozketan sartzeko baldintzak.

**LAU TALDETA BANATUTA**

Eskoriatzaz gain, zozketaren deialdia Leintz Gatzaga eta Aramioiko herritarrei ere zuzenduta zegoen. Aukeratutakoekin lau talde edo kupo egin zituzten. Lehenengo taldea guraso baka-



Bolondresak atera zituzten zenbakiak Madrazoren begiradapean.

rrerko familiek osatzen dute. Hiru eskaera egin ziren, eta bi etxebizitza esleitu. Talde horretan, Maria de la Paz Pizarro eta Maria Elisabet Alberdiri egokitu zaie

etxea. Bigarren kupoa 35 urtez azpiko gazteek osatzen dute, eta zozketarako aukeratutako 12 pertsonatik zazpi laguni egokitu zaie etxea: Urki Larrea, Leire

Junkal Pagaldai, Maria Jose Ortiz, Jose Ramon Eskibel, Oihana Eriz, Estibaliz Gomez eta Ana Maria Martini, hain zuzen ere.

Hirugarren taldea orokorra da, eta Maria Pilar Garcia eta Antonia Rodriguez egokitu zaie etxebizitza. Laugarren talde bat ere sartzen zen zozketan, baina eskaerarik egin ezenez, hutsik geratu da; urrituentzako egokitutako etxebizitzena, hain zuzen.

**INTXAURTXUETAKO ETXEAK**

Intxaurtxueta eraikiko dituzten etxe horiek ez dute azalera bera. 69,45 metro koadrotik 89,40 metro koadrorra bitartekoak dira. Horien salneurria hainbat irizpide jarraituta baloratuko da. Etxebizitza horien jabeek 77,90 eta 147 euro artean ordaindu beharko dute hilero errentan.

Zozketa behar den moduan egin zutela egiaztatzeko, notarioa ere egon zen bertan. Eta, horrez gainera, boluntarioek aukeratu zituzten zozketan irten ziren zenbakiak. Batek baino gehiagok eskertuko die.

**TELEFONO JAKINGARRIAK**

**ESKORIATZA**

Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59

**BESTELAKOAK**

Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

**OHARRAK**

**KONTZERTUA GAZTETXEAN**

Kontzertua antolatu du herriko Gazte Asanbladak. Eskoriatzako gaztetxean. Brigada Criminal, Captain Nemo eta Valium Generatium taldeak arituko dira. Gaur, egubakoitza, eskainiko dute emanaldia hiru taldeek, 22:00etan hasita Eskoriatzako Gaztetxean.

**TRIAL 4X4 TXAPELKETA**

Bihar, zapatua, uztailak 3, I. Trial 4X4 txapelketa egingo da. Elorretan, Bolibarko bidean egingo dute norgehiagoka, 15:00etan hasita. Bertara joan nahi izanez gero, ez da sarrerarik ordaindu beharko.

**ERAKUSKETA**

Eskoriatzatik pasatuko den autobideak eragingo dituen kalteei irtenbidea aurkitu guran dabilta aspaldian. Horren arira, erakusketa egongo da irekita uztailaren 14ra bitartean Eskoriatzako kultura etxean. Goiz eta arratsaldean bisitatu daiteke erakusketa.



**Autobidearen inpaktuei buruzko erakusketa**

Martitzen goizean ireki zuten Eskoriatza zeharkatuko duen autobidearen inguruko erakusketa. Proiektuak eragingo dituen kalteak konpentsatuak izan daitezzen gura dute kalte-tutakoen elkartekoak. Erakusketan, autobideak ekarriko dituen arazoak deskribapena egin, eta kalteak jarritako alegazio eta proposamenak zeintzuk diren ikus daiteke kultura etxean. Goiz eta arratsaldean irekiko dute erakusketa eta uztailaren 14ra arte egongo da ikusgai.Z.V.M.



**EDURNE**


ESTETIKA ZENTROA

Informa zaitez!



**Zelulitisa eta gizentasuna:** horiekin bukatzeko osagaiak dauzkagu Zelulitisari STOP

Aranburuzabala 42 Tel.: 943 71 51 54 ESKORIATZA



*Gustora egoteko!*

Intxaurtxueta 8  
**ESKORIATZA**  
943 71 40 63

**ENRIKE MAZMELA BOLINAGA**

HORTZ KLINIKA

~  
Eduardo Gorosari 3-1. esk.  
Tel: 943 71 47 36  
Eskoriatza

**AZKOAGA**

ESTANKOA

943 71 48 77  
Zure Zerbitzura



# Pilotaleku azpiko garajeak esleitzea adostu zuen astelehenean Udalak

Z.V.M.


Ekainaren 28an osoko bilkura egin zuten, eta garajeei buruz aritu ziren bertan. Abuztu aldera hasiko omen dira eskaerak aztertu eta plazen esleipena egiten; betiere plaza bakoitzaren eta automobilen ezaugarrien arabera egingo dute banaketa.

Gatzagako pilotalekuaren azpian hainbat garaje daude. Leintz Gatzagako Udalak horiek esleitzeko plana egin zuen, eta horretan hasi dira jada udalbatzako kideak. Hala, astelehenean egindako ohiko osoko bilkuran hainbat erabaki hartu zituzten.

Oraindik ez dute dena zehaztu, baina bertan dauden hainbat plaza herritarrei esleitzeko zaizkie. 19 garaje dira banatuko direnak, eta guztira 17 herritarrek egin dute eskaera.

Astelehenean eskaerak aztertu eta garajeen esleipena egitea adostu zen. Hala ere, ez da berehalakoan egingo. Abuztuaren hasieran eskaerak begiratzen.

Bakoitzaren beharrak hartuko dituzte kontuan. Izan ere, pilota-



17 eskaera jaso ditu Udalak eskaintzen pilotaleku azpiko 19 garajeentzako; beraz, guztiek jasoko dute bat.

leku azpiko garaje guztiek ez dute neurri bera; eta autoak sartzera-koan egin beharreko maniobrak ere ez dira maila berekoak. Horre-

gatik eskaera egin dutenen ibilgailuen ezaugarrien arabera banatuko omen dituzte plazak, Udaltik adierazitakoaren arabera.

Behin plaza horiek esleituta, bi urte eta bost hilabetez izango dituzte gatzagarrek euren ardurapean garaje horiek.



## Gurelek bilera egingo du datorren astelehenean

Astelehenean egingo dute Gurel elkarteko kideek bilera. Udalekuak hizpide izango dute elkartean biltzen direnek. Abuztuaren 12an hasiko dira herriko gaztetxoei zuzendutako ekimenak. Dagoeneko gehiena prestatu dute. Hala ere, zenbait kontu dituzte zehazteke: kanpora egingo dituzten ibilaldiak nora egin, esaterako. Seme-alabek ahalik eta ondoen igarotzea da gurasoen asmoa. Astelehenean elkartuko dira, 18:00etan elkartean. /Z.V.M.

## LABUR

### Zapatuan hitzaldia eta domekan San Martinen erronomia

Bihar, zapatua, bidaia bati buruzko hitzaldia izango dute entzungai Gatzagan. Izan ere, Eneko Etxebarrieta abenturazalea joango da herrira, eta bere bidaiei buruz mintzatuko da. Enekok hiru urte eta 11 hilabete igaro zituen munduan zehar bere bizikleta gainean. Guztira 46 mila kilometro egin ditu eta 35 herrialdetan egon da. Bere abenturak entzuteko aukera egongo da kultura etxean, 19.00etan.

Bestalde, uztailaren 4an, domeka, San Martin ermitaren eguna da. Gatzagarrek egun hori ospatzeko asmoa dute. 12:00etan etxafuegoak botata hasiko dute ospakizuna. Horren ondoren, meza esango dute ermitan bertan, eta gero, luntxa izango dute dastagai hara gerturatzen direnek. Baina jolasteko aukera ere izango dute. Izan ere, doke partida antolatu dute domekarako. Azkenik, musikaren laguntzarekin, erronomia egingo dutela adierazi digute antolatzaileek.

### Negoiazio mahai irekitzea adostu dute osoko bilkuran

Astelehenean ohiko osoko bilkura egin zuten Gatzagan. Udal ordezkariekin batera Udaleko langileak egon ziren, eta euren lan hitzarmenari buruzko gaia atera zuten. Hala, negoziazio mahai bat irekitzea eskatu zioten udalbatzari. Eskaera onartu egin zuten osoko bilkuran. Udaleko bi langileak pozik agertu dira erabakiarekin. Izan ere, beste hainbat herritan gertatzen den moduan, udal langileak ez daude guztiz konforme euren lan baldintzekin. Udaleko ordezkariak adierazi digutenaren arabera, ez diote inolako oztoporik jarri eskaerari, ongi iruditzen zaie eta Udaleko langileen eskaera. Datozen asteotan emaitzak lortzea espero dute.

- Sukaldeko tresneria
- Lapiko lasterrak
- Zartagin eta paella-ontzi

Aingeru ibiltokia 3  
Tel.: 943 71 41 31 Eskoriatza 20540

LENIZ, C.B. KONPONKETAK

TXAPA, MARGOA eta MEKANIKA

Aingeru ibiltokia z/g. • Tel.: 943 71 50 61 • Eskoriatza


## Ze barri?

Izan zaitetz zeu ere berriemaile!

Zure taldearen, auzoaren, elkartearen... gainera informazioa emateko, deitu gurera!

943 79 86 21





**SPORTLAND**  
FORUM SHOPS

KIROLA ZEURE ESKURA

**%30 %40 %50**

**EKO  
DESKONTUAKO**

**SPORTLAND ARRASATE,**  
Garibal Etorbidea, 2-6,  
[www.forumsport.com](http://www.forumsport.com)

\*Iragarki honetan adierazitako deskontuak  
2004ko Abuztuaren 31 arte balio dute



*Maulanda  
merenderoa*



**MAULANDA MERENDEROA**

Maulanda auzoa, 20540 ESKORIATZA  
Tel.: 943 71 47 20 eta 943 71 54 56

**Eguneroko  
menua!**








MARI KARMEN oinetakoak/ Errekabarren 22 Aretxabaleta  
Sandaliak ~~35,50€~~ 24,85€



IRIARTE umeen moda / Durana 8 Aretxabaleta  
MIRANDA soinekoa ~~35,80€~~ 25,06€



HAURRAK umeen denda/ Lezama zentro komertziala 15 Aretxabaleta  
PETIT BOY trajea ~~81,13€~~ 56,79€



XARMANTA opariak/ Gaztanadui 21 Eskoriatza  
ACQUA bikinia ~~69,50€~~ 48,65€



LIE lurrindegia/ Mitarte 18 Aretxabaleta  
MAJESTIC bikinia ~~50€~~ 30€

beherapenak!

beherapenak

behera